



لك محبه يا فقيد الشعب تجري بالوريد

الرتاء وش عاد ينفع بالقصيد لو تزيد
والدموع اليا استهلته ما وراها من حصيل
لو يرد الشعر مثله مابخلنا بالقصيد
والمدامع لو تعيده سيلها غرق بسيل
القدر ما منه مجزع والأمانى ما تحيد
حكمة الله في عباده جيل يفنى بعد جيل
لك محبه يا فقيد الشعب تجري بالوريد
يا حكيم قاد شعبه فوق بحر المستحيل
يا كتر لو جيت أعدد ما طرالي من جديد
بالفكر زحمة مفخر من فعل ماله مثيل
لكن أني قلت أبدا لأجل أتى بالمفيد
عند آخر كلمة له مالنا عنها بديل
قالها صقر العروبة كلمة والله شهيد
نابعه من قلب مؤمن حس في قرب الرحيل
كنه أعطى في وصاته زبدة الهرج الأكيد

أذكروني في دعاكم رحمة الرب الجليل
لا وربي مانسينا في دعانا لك نزيد
والدعاء لك يا فقيد الشعب من رد الجميل
يالله انك تعلم أنه يتبع النهج السديد
تابع نهج الصحابه لا يعيل ولا يميل
وبالله انك تعلم أنه بالعفو نوعه فريد
وإن جوده مثل مزن بالوسم يهمل هميل
وأن فيه من التواضع حكمة العقل الرشيد
قائد محنك سياسي كلمته سيف صقيل
وبالله انك تعلم أنه شيك مفتوح الرصيد
للفقير ولليتام والعبز وأبن السبيل
أغفر ذنوبه وهب له من عطى فضلك و زيد
وادخله جنات عدن فيها ظل ظليل
يالله أنه ضيف عندك وأنت رحمن العبيد
الدعاء منا لعبدك والعطا منك الجزيل
محمد حلوان الشراي



مرحوم يا ريف البلاد وغلاها



علم لفانا بالمواجع والاكردار
عاجل على الشاشات بثته الاخبار
اسودت الدنيا بعيني وضاق
وفجر دموع العين واشعل بها النار
مرحوم يا ريف البلاد وغلاها
عساك بالجنته مع الصاحب الاخبار
في جنة الفردوس يا رب مأواك
يامئوي اللي من بلا الوقت محتار
في جنة تعجز عن اوصافها العين
تقطف بها ماشئت من زين الاثمار
ثمارها وقطوفها لك تدانى
متخالطه انهارها هي والازهار
يامغيث بعد الله من كان ملهوف
ياناصر المظلوم يا حامي الجار
أفنيت عمرك لجل دينك وشعبك
وخيرك تعداهم الى كل الاقطار
يدعي لك الشعب وعيونته تهامل
دمعن ولو بيديه تفدك الاعمار
عليك يا رمز البلاد وعلمها
يامرؤض بفكرك عسيرات الافكار
والامتنين وكل الامصار تنعك
وتبكيك الارض وما عليها من اشجار
إختارك الله فجر يوم فضيلي
من طيب علمك والعمل دين وانكار
تعجز حروف الشعر توفي فعولك
وانا اشهد ان مالك شبيهه بالابشار
من طيبتك آخر وصاياك حكمة
الدين ثم الشعب وحماية الدار
الله يبيحك كل ما حل طرياك
وعساك بالجنته مع الصاحب الاخبار

عوض سلامة العنزي

النادر الفذ باوصافه وشيماته

البارح الحزن صدر الشعب محتله
بوجيها كلنا بانته .. علاماته
في فقد سيف بوقت اللازم نسله
خافض جناحه لشعبه مرعب عاداته
ياحي ذاك القبال وحي هـ الطله
ياحي ذاك الشموخ وحي وقفاته
احتل كل القلوب وقلبي احتله
ما هو بماله بحب اللي نذر ذاته
لارضاء ربه وشعبه من تحت ظله
النادر الفذ باوصافه وشيماته
يغفر لك الرب يا خادم بيوت الله
يسكنك رب السماء فسيح جناته
اي والله انك يا ابو متعب يا عبدالله
الصديق العذب بافعاله ونياته
نايف كسار الجزاع

ياكم زرع الخير داخل اراضيه

يا نفس هاتي صبرك اليوم هاتيه
ما ينفعك قلبه هاتي كثيره
دام الملك اليوم يا نفس ننعيه
ودمعة عيونك بالمحاجر اسيره
والفكر راجع ما مضى له بطاريه
والصدر ضايق والخواطر كسيره
عبدالله اللي كل ناسه تجديه
والعوالم اللي يعرفه خير سيره
ملك ملك يمشي وازن خطاويه
حكيمه وحذركه والأوامر بصيره
أول صفاته دوم دينه يبيديه
يمشي على نهج الشريعة بسيره
ياكم زرع الخير داخل اراضيه
وياكم داسن الثمر في كل ديره
لو العمر يعطى والله نعطييه
ما هو عمر واحد إلا عشيره
يالله تغفر له ويبارك تاقيه
نبارك توقد حره ما مع سعيه

محمد بن عامر المريخان

اعزي للملكة في موت عبدالله



تجعل بقبره قفار الارض مبتله
وتسيل باعذب مياه الجوف مصحوبه
واهني سلمان راع الجود في حله
بالحكم واحنا تحت امره ومطلوبه
يامرو وينهي نحقق ما طلب كله
هذي حقيقه ولا هي دجل واكذوبه
ونصون عهد الولا ونعيش في ظله
نبني من ترابها طوبه على طوبه
وصلاة ربي على المبعوث هادله
اعداد كلمات من الأقلام مكتوبه
خديجة الموسى - محافظة مرات

مات اللي شعبه يعيش بخير في ظله
اللي كسب حب شعبه بطيب اسلوبه
مليكننا اللي وفاء للشعب في حله
من بعد موته تهل الدمع مسكوبه
وحالة الشعب عقبك ضيق وعله
ياكم مرتاح صاير عقبك بنوبه
ياتل قلبي من الاحزان ياتله
نيران قلبي من اللي صار مشبوبه
اعزي الملكة في موت عبدالله
يالله يا ربي انك تغفر ذنوبه